

Davlat soliq qo‘mitasi raisi o‘rinbosari J.Abdiyevning faoliyat samaradorligi hamda maqsadli vazifalarga erishishini baholashning ASOSIY MEZONLARI

*(soliq to‘lovchilarga xizmat ko‘rsatish, Soliq solish metodologiyasi
masalalari)*

Soliq qonunchiligi normalarini bir xilda qo‘llanilishini ta‘minlash bo‘yicha tushuntirish ishlarini olib borish

O‘zbekiston Respublikasi Vazirlar Mahkamasining 2022 yil 12 maydagi 255-son qarorining mazmun-mohiyati, keng yoritilishini maqsadida joriy yilning may oyida «Sevimli» telekanalining «Oramizdagi odamlar» ko‘rsatuvi hamda «Mahalla» telekanalining «Minbar» ko‘rsatuvi orqali, shuningdek O‘zbekiston radio kanali orqali efirga uzatilgan «Bugunning mavzusi» loyihasida tushuntirishlar berildi.

Shuningdek, qarorlar ijrosi yuzasidan Qo‘mitaning ijtimoiy tarmoqlardagi (telegram, facebook, instagram, tviter) sahifalariga ma‘lumotlar joylashtirildi.

Ijtimoiy tarmoqlar orqali yo‘llangan 178 ta savollarga tezkor javoblar tayyorlab, mualliflarga yetkazildi. Bundan tashqari, Qo‘mitaga kelib tushgan 220 ta soliq to‘lovchilarning murojaatlari ko‘rib chiqilib, mualliflarga javob xatlari yuborilishi ta‘minlandi.

O‘zini o‘zi band qilgan xodimlarni soliq organlarida hisobga olish

Aholini tadbirkorlikka yanada keng jalb qilish orqali o‘zini o‘zi band qilgan shaxslarni soliq organlarida hisobga olinishi yuzasidan amalga oshirilgan ishlar natijasida o‘tgan 2022-yil davomida **565,8 ming nafar** fuqarolar o‘zini o‘zi band qilgan shaxs sifatida soliq organlarida hisobga olinishi ta‘minlandi.

Jumladan, Ijtimoiy yo‘nalishlar bo‘yicha xizmatlar (*Uyda repetitorlik qilish, bolalarga qarab turish va ularni parvarish qilish, uy xo‘jaligini yuritish, xonalarni tozalash, xalq tabobati, hamshiralik ishi*) **75,7 ming nafar**, Sanoat yo‘nalishi bo‘yicha xizmatlar (*Yog‘och me‘morchiligi, santexnika xizmati, elektr montaj ishlari, makulatura, plastik idish, temir tersak to‘plash va qo‘shimcha xomashyo to‘plash*) **84,5 ming nafar**, Qishloq xo‘jaligi yo‘nalishi bo‘yicha xizmatlar (*Chorva mollarini o‘tlatish, ularni parvarish qilish, qishloq xo‘jalik o‘simliklarini ekish va parvarish qilishda tomorqa egalariga yordam berish*) **243,6 ming nafar**, Axborot kommunikatsiya yo‘nalishi bo‘yicha xizmatlar (*Ijtimoiy tarmoqlardagi faoliyat, dasturiy ta‘minot, mobil ilovalar va veb saytlarnii ishlab chiqish, matnni yaratish va ishlov berish*) **11,5 ming nafar**, Maishiy xizmatlar (*Sartaroshlik, manikyur, kosmetolog, pedikyur, uyda kir yuvish va dazmollash, kalitlar tayyorlash, poyabzal tikish, ta‘mirlash va bo‘yash xizmatlari*) **119,9 ming nafar**, Xalq iste‘moli mollari ishlab chiqarish va xizmatlar ko‘rsatish (*Non, uyda pop-korn, muzqaymoq, salatlar, salqin ichimliklar, ayron, go‘ja hamda dehqon bozorlarisha qishloq xo‘jaligi mahsulotlarini sotish*) **30,5 ming nafar** aholi bandligi ta‘minlandi.

Shuningdek, 2022 yilning 1-iyun holatiga **159,4 ming nafar** aholi tomonidan **40 684,0 mln.so'm** ijtimoiy soliq summasi to'lab berilgan.

Soliq majburiyatiga ega bo'lgan yuridik shaxslar tomonidan soliq hisobotlarini topshirilishini monitoring qilib borish

2022 yil aprel oyi uchun hisobot topshirish majburiyatiga ega bo'lgan yuridik shaxslar tomonidan qo'shilgan qiymat solig'i, aksiz, foyda, aylanmadan olinadigan soliq, jismoniy shaxslardan olinadigan daromad solig'i va yer qa'ridan foydalanganlik uchun soliq hisobotlarini taqdim qilinishi tahlil qilinganda quyidagilar aniqlandi.

Aylanmadan olinadigan soliq hisobotini respublika bo'yicha **286,9 mingta** korxonaning **1,2 mingtasi (0,5%)** taqdim qilmagan.

2022 yil aprel oyi uchun **QQS bo'yicha** hisobot taqdim etilishi lozim bo'lgan **150,4 mingta** korxonadan **1,2 tasi (0,8%)** hisobot taqdim qilmagan.

Foyda solig'i bo'yicha hisobot taqdim etilishi lozim bo'lgan **148,5 mingta** korxonadan **6,7 mingtasi (2,3 %)** hisobot taqdim qilmagan.

2022 yil **aprel oyi** uchun **jismoniy shaxslardan olinadigan daromad solig'i** hisobotini topshirish majburiyatiga ega bo'lgan **465,6 mingta** yuridik shaxslardan **1,5 mingtasi (2,5 %)** hisobot taqdim qilmagan.

Shuningdek, **Respublika bo'yicha 202 ta tuman va shaharlarda hisobot topshirmagan korxonalar 50 foizdan ko'pni tashkil qiladi.**

Jumladan, Toshkent viloyatida 22 ta, Farg'onada 19 ta, Qoraqalpog'iston Respublikasida 17 ta, Andijonda 16 ta, Samarqandda 16 ta, Surxondaryoda 15 ta, Qashqadaryoda 15 ta, Buxoroda 12 ta, Namangan va Xorazm viloyatlarida 12 tadan, Jizzax va Navoiy viloyatlarda 11 tadan, Toshkent shahrida 12 ta tuman va shaharlardan **hisobot topshirmagan korxonalar soni 50 foizdan ko'p.**

2022 yil yanvar oyi uchun **aksiz solig'i** bo'yicha hisobot taqdim etishi lozim bo'lgan **4,4 mingta** korxonadan **8 tasi (0,02%)** hisobotni taqdim qilmagan.

Yer qa'ridan foydalanganlik uchun soliq hisobot taqdim etilishi lozim bo'lgan **2 052 ta** korxonadan **242 tasi (11 %)** hisobot taqdim qilmagan.

«Ijro.gov.uz» ijro intizomi idoralararo yagona elektron tizimi orqali topshiriq va vazifalar ijrosining ta'minlanishi

O'zbekiston Respublikasi Prezidenti rahbarligida 2022 yil 4 mart kuni «Oliy ta'lim muassasalari talabalari bandligini ta'minlash bo'yicha ustuvor vazifalarni belgilash to'g'risida» o'tkazilgan yig'ilishining 19-son bayoni hamda Vazirlar Mahkamasining 2022 yil 10 martdagi «Talabalar ijtimoiy sharoitini yaxshilash va bandligini ta'minlash bo'yicha Respublika komissiyasi majlisi»ning 1-son bayonining 3-ilova 12-bandi ijrosi yuzasidan,

oliy ta'lim muassasalari hududida tashkil etilgan pullik o'quv kurslari, sport to'garaklari va boshqa xizmatlarni tashkil etgan talabalarni daromad solig'idan ozod qilish yuzasidan tegishli o'zgartirishlar kiritish bo'yicha Moliya vazirligiga takliflar yuborildi.

Shuningdek, O'zbekiston Respublikasi Prezidentining "Iqtisodiyotda davlat ishtirokini yanada qisqartirish va xususiylashtirishni jadallashtirishga oid qo'shimcha chora-tadbirlar to'g'risida" 2022 yil 18 martdagi PQ-168-son qarorining 12.3-bandida vazirlik va idoralar ikki oy muddatda o'zlari qabul qilgan normativ-huquqiy hujjatlarni mazkur qarorga muvofiqlashtirish vazifasi yuklatilgan bo'lib, Davlat soliq qo'mitasining soliqqa oid normativ-huquqiy idoraviy hujjatlari xatlovdan o'tkazilib, xatlov o'tkazilishi natijasiga ko'ra O'zbekiston Respublikasi Prezidentining 2022 yil 18 martdagi PQ-168-son qaroriga muvofiqlashtirilishi lozim bo'lgan hujjatlar aniqlanmaganligi Vazirlar Mahkamasi, Adliya vazirligi va Hisob palatasiga 18/1-44965-son xati orqali ma'lum qilindi.

01.06.2022 yil holatiga